

simples no ksolok nian, koresponsavel sira), *esperiéncia parokiál* (moris iha asosiasaun – fiar ne'ebé empena an – partisipasaun) no *esperiéncia ema nian* (viziñu sira – ema ho fiar boot). Ligasaun mak hun ba hotu: se ó la moris iha relasaun, ó la eziste!

- **Amizade nia matriz:** ho belun Petronilla hala'o dalan santidad nian, grupu FMI ho belun espirituál sira (Frassinetti nia linha – S. Teresa nia mistika). Husi amizade mosu fraternidade.
- **Estilu oratorianu:** patio kompartilladu (ksolok atu hela iha foin-sa'e sira leet), familiaridade no domin ne'ebé hatudu (amorevolezza iha jestu no lliafuan sira), konfiansa (korente domin nian, tanba bainhira sente domine ma esprime buat di'ak liu husi ninia an), hadomi buat ne'ebé foin-sa'e feto sira hadomi no manán sira-nia fuan.
- **Estetika mariana:** hodi uza dimensaun feminina hotu ba fafurak, armonia, poesia, sentidu sira, morin, koor... husi ki'ik kedas nia moris besik Kapela ne'ebé dedika ba Maria Auxiliadora, hafoin Imakulada mak akompaña ninia moris nu'udar foin-sa'e iha grupu FMI, Maria Terus Na'in, iha don Pestarino nia akompañamentu espirituál; no Maria Auxiliadora, tanba Filha no Kofundadora ba Institutu ne'ebé don Bosco mehi, nu'udar monumentu moris agradesimentu nian ba Nia. La'ós de'it devosaun ka imitasaun, maibé sai "mariana" mak iha Maria Mazzarello nia jenetika, ninia DNA.

Ita rona Maria Auxiliadora nia lia, ne'ebé bolu ita ba dalan selebrativa Institutu nian atu kria hikas fali estilu animasaun sinodál iha ita-nia Komunidade Edukante sira, ho marka Mornese nian no freskura husi karizma ida ne'ebé kontinua sai resposta vitál ba foin-sa'e sira ohin loron nia prezisa kle'an liu!

KOMUNIDADE SINODÁL

2 – Jezús mak uluk (Jo 2,6-10)

- **Konsidera buat ne'ebé iha ona. "Kusi neen iha hela ne'ebá" (Jo 2,6)**
Iha kusi neen, ne'ebé bele hakonu maizumenus ho litru 600 bee nian. Numeru *neen* esprime buat ruma ne'ebé la kompletu, la iha remata, hodi kompara ho numeru *hitu*, ne'ebé esprime totalidade. Kusi metin no mamuk fó hanoín ba purifikasaun nia antigu ritu sira. Fó hanoín ba lei ne'ebé hakerek iha fatuk leten (Dt 9,10 Ez 36,26) ne'ebé la biban atu komunika ksolok no moris. Sira la efikaz no la fó fuan, la iha konteudu réal sira. Maski sira parese forte no stabil, loloos sira frajil liu, tanba bele fera no sai rahun.
Maibé Jezús **la hakribiit sira**, no ho sira duni halo ninia "sinál"; Nia soi sira, **kria fali sira** nu'udar vasu ne'ebé bele simu konteudu foun ne'ebé la baseia ba antigu. Sira, ho nonok, hein rai hun mutin foun, redensaun abundante ne'ebé mai husi Na'i. sei halo purifikasaun foun ho Espíritu nia bee, ne'ebé **transforma husi laran**, tama kle'an no habokon buat hotu.
⇒ Oinsá ita bele tulun malu atu ita-nia estrutura sira ne'ebé toos hanesan fatuk *bele fó fatin atu simu* novidade evanjelika nia sinál sira? Ho modu sa de'it ita-nia comunidade sira *jenera "moris foun" iha nivel edukativu?*
- **Bee ne'ebé kria fali. "Imi tau bee ba kusi sira ne'e, to'o nakonu" (Jo 2,7)**
Atan sira la hola parte ba festa, maibé Maria *halo sira sai parte ativa festa seluk nian* iha ne'ebé la'ós ema hotu sei participa. Hodi ko'alia ba atan sira, Maria **haluan ninia ligasaun ho sira ne'ebé hela iha festa nia periferia**; nia hatudu ona sira ne'ebé Jezús sei hili iha ninia moris publika, ema husi povu, kiak sira, ema moras sira, estranjeiru sira, ema abandonadu sira. Maria ko'alia ho sira ne'e, no Jezús rasik sei ko'alia liuliu ba sira.
Jezús husu katak sira hakonu kusi fatuk nian ho bee. Atan sira hamriik iha klaran entre kusi neen fatuk nian no bee, no "kusi" moris nian, ne'ebé Jezús, bee matan husi ne'ebé suli

bee moris nian no tua di'ak ba festa.

Atan sira la husik kusi mamuk ka enxe sorin de'it, sira tau bee to'o nakonu; **sira fó sinál nia sasukat**. Tua barak ezije ba mai beibeik husi posu to'o kusi. Jezús nakfilak de'it ba tua bee ne'ebé iha kusi laran.

- ⇒ Rona Jezús book ita atu halo saida? Oinsá ita hatán ba Jezús nia liafuan, ita komprende ka lae buat ne'ebé Nia husu?
- ⇒ Ohin loron ita-nia comunidade sira simu konvite atu hakonu sira-nia vasu bee nian, atu halo Evanjellu no Karizma nia freskura sai abundante. Hakonu sira ho **bee ne'ebé kria fila fali Sistema Preventivu**
 - iha rede relasaun familiár sira nian, konfiansa nian, amisade no edukasaun integrál nian;
 - ne'ebé hafanu ksolok hodi sente katak ema hotu, pesoalmente, simu domin no valoriza lahó kondisaun;
 - ne'ebé dezenvolve dom pesoál sira, atu fó ninia ser no buat ne'ebé iha atu hari'í bem komun no projetu komunitariu;
 - ne'ebé hatudu sentidu hola parte nian no empenhu atu anima hamutuk misaun kompartillada;
 - ne'ebé hamoris komuñau nian iha misaun, ba no hamutuk ho foin-sa'e sira;
 - ne'ebé suli lalais iha kanál no rede sira, nu'udar Família Salesiana, nu'udar Kreda no hamutuk ho instituisaun seluk, hodi koko atu hakalma hamrook foin-sa'e kiak liu no iha risku nian no sira ne'ebé lakon sentidu moris nian.

• **Atan sira moris nian "Serví-na'in sira lori duni ba mestre tenda. (Jo 2,8) ... "koko tua" (Jo 2,9)**

Atan sira lori bee, nakfilak tiha ba tua, hodi la rai buat ida, lahó duvida. Sira hatene tua nia orijen, tanba sira simu Jezús. Nia hanorin ba sira atu lori ba mestre tenda bee ne'ebé sira uza atu hakonu kusi sira, no sira halo nune'e duni; sira hatudu **atitude servisu nian to'o rohan**, hodi tuir Jezús nia prosesu pedagójiku no hodi fó kredibilidade ba Ninia Liafuan.

Mestre tenda husu tua ida ne'e mai *husi ne'ebé*, maibé ida ne'e ladún realista.

Maria nia atitude iha Kaná mak proximidade, hakbesik; promove **relasaun domin nian liuhusi kontaktu no diálogu**, halo buras moris hodi **tau matan no interdependénsia**. Jenera ambiente interasaun nian, komunikasaun nian; ninia lafuan ne'ebé loke ba diálogu mak inisiu no konvite atu troka situasaun. Nia halo personajen hotu asaun ba malu iha **rede ligasaun sira nian**, ne'ebé hamoris atmosfera hakmatek no ksolok nian ne'ebé ema sente no gosta.

Iha Mornese, Main jenera **espíritu família nian** ida ne'e ne'ebé espesífiku no sai paradigma, modelu no *"estilu moris foun nian"*, biban atu inklui comunidade nia membru hotu.

• **Animasaun no governu – revisaun estrutura sira nian husi misaun**

Maria loke dalan foun ida relasaun nian ho Jezús, hodi intervein iha dezisaun no transformasaun sira; nia sai comunidade nia atan, iha kondisaun **equidade no komuñau nian**. Promove estilu animasaun nian nu'udar **leader comunidade nian** ho **marka feminina, materna no jeradora moris nian**.

- ⇒ Estilu marianu animasaun nian ne'ebé hala'o iha Mornese lori ohin loron ba revisaun aten-barani nian kona-ba **estrutura komunitaria sira jestaun no governu nian atu favorese misaun** no hodi hahú husi foin-sa'e sira ne'ebé kiak liu. Ida ne'e mak animasaun ne'ebé "la abilita" ba autoreferensialidade ka ba abuzu poder nian, maibé envolve comunidade tomak iha prosesu sira ne'ebé suporta iha **modu komplementár no hamutuk**. Jenera **sinerjia ida** ne'ebé bele hamosu **koordinasaun ba komuñau, partisipasaun** ativa no respponsavel ema hotu nian, **susidiariedade no kolejialidade**, nu'udar possibilidade atu esersita no aprende eklesialidade foun ida, eklesialidade sinodál.

- ⇒ Estilu sinodál **animasaun mornesina nian** bele fó mai ita xave propria **Maria Mazzarello nian**, ne'ebé fó ninia marka orijinál ba karizma salesianu.

• **Modelu trinitariu:** ne'ebé tau abut iha *esperiência familiár* (nukleu barak – ligasaun forte no manas sira,

Valdocco, *ita sei fó fatin ba ema hotu iha dezisaun kompartillada sira* nia mesa. Ida-idak bele foti sai nia lia rasik, ninia hanoin, ninia esperiênsia, ninia pozisaun rasik kona-ba topikun ne'ebé presiza dixernimentu.

⇒ Foin-sa'e sira mós sei hetan espasu ne'ebé la bele diskute, hodi reprezenta foin-sa'e sira seluk iha comunidade, hodi partisipa ativamente ba uma nia projetu, hodi sente parte projetu ne'e nian no koresponsavel ba dezisaun sira, se ita envolve tebes sira.

- **Komunidade inklusiva sira iha diversidade – interjerasionál no interkultural sira**

João nia comunidade karakteriza iha kapasidade atu *hari'i comunidade inklusiva sira*, iha ne'ebé temi personajen hotu no modu ne'ebé sira relasiona ba malu. Ita deskobre iha nia oinsá monu estrutura no ideolojia eskusaun nian, atu aprende projetu moris nian ne'ebé iha. Nu'udar hun, domin inklusivu diversidade nian iha comunidade ida iha ne'ebé hotu-hotu mak equal.

⇒ Iha ita-nia comunidade relijioza sira, ligasaun mak buras iha relasaun *interjerasionál, interkultural*, no mós *interkongregasionál*. Relasaun hirak ne'e, iha sira-nia diversidade, la sai buat ruma ne'ebé hanetik, maibé sai okasaiun murak atu hala'o *pedagogia simu no raronak nian*, iha variedade oinoin, ne'ebé favorese *valorizasaun ema diferente nian* nu'udar rikusoin nafatin.

⇒ Se ita rona *foin-sa'e sira nia lia iha sira-nia diversidade*, ita sei deskobre forma surpreendente atu dehan "buat ne'ebé sira hakarak dehan" no kreatividade iha sira-nia espresaun, iha komunikasaun nia ekosistema sira. Bainbain sira nia "ko'alia" mai husi mundu jestu nian; sira esprime an iha arte, iha musika, iha dansa, iha dezeńu sira, iha tatoo, iha demo sira, iha tarutu no iha silénsiu, iha protesta no iha diskusaun, iha jestu solidariedade nian no iha sira nia dedika an tomak iha buat ne'ebé sira fiar, iha pergunta sira no iha babukak ne'ebé la hakmatek.

⇒ Respeitu ba sakralidade modu nian ne'ebé ema ida-idak biban atu espresa ninia liafuan, ninia ko'alia!

Se mestre tenda *koko ona* tua di'ak ne'e molok serbí, imposivel katak nia la hatene tua mai husi ne'ebé. Iha João, verbu simboliku "hatene", ne'ebé refere ba Jezús, la signifika de'it "koñese Nia", maibé *simu Nia no moris tuir Ninia lia menon*.

Protagonista ofisiál sira (mestre tenda no kaben-na'in) hanoin katak sira hatene, maibé *sira la hatene*, sira experimênta de'it. Atan sira la dehan katak *sira hatene*, maibé *sira hatene tua nia orijen no sai sasin kona-ba nia mai husi ne'ebé*.

⇒ Atan sira halo buat hotu ne'ebé sira bele atu bele realiza "sinál". La iha ema ida ne'ebé hatene se mak halo "sinál" ida ne'e, atan sira de'it. Ita, nu'udar Mestre nia atan feto sira, *hatene tua mai husi ne'ebé*, maibé ita hatene hela *livre husi protagonizmu*? Oinsá experimênta atitudo ida ne'e *desentramentu* (hasai ita-nia an husi sentru), atu festa bele kontinua laho ita? Oinsá ita empenha ita-nia kapasidade sira, hamutuk ho ita-nia karizma nia kreatividade no aten-barani, atu serví Kreda lokál no teritoriu iha ne'ebé ita inserta ba?

- **Transforma ba tua di'ak. "mestre tenda bolu noivu hodi dehan" (Jo 2,10)**

Mestre tenda koko bee ne'ebé nakfilak ba tua no hanoin katak ida ne'e mak surpresa ne'ebé kaben-na'in rai ba momentu ikus nian no hakfodak tanba nia uza lojika diferente. Nia rekoñese iha ema hotu nia oin katak *tua foun mak di'ak liu*, barak liu no festa besik atu remata. Ita ladún komprende Jezús nia hilin atu fó tua ho kualidade superiór no kuantidade barak ba ema ne'ebé lanu ona. Bainhira mestre tenda koko tua foun, nia la hateke ba Jezús, maibé ba kaben-na'in. Se Jezús lori tua ba festa, tansa kaben na'in deskoñesidu tenke simu honra? João iha intensaun ida: hakarak revela katak *ESPOSU* loloos mak *JEZÚS*, ida ne'ebé rai *Tua Foun to'o ikus no asegura tua ne'e to'o ohin loran*.

Jezús hatene *Tua ikus* mai husi ne'ebé, mai husi Ninia fuan nakloke, husi ne'ebé sei suli ran no bee. Jezús mak *Eposu* ne'ebé sai ida de'it hamutuk ho Ninia Inan, nu'udar indikasaun uniaun metin no rohan laek, Domin agapiku nian ne'ebé Jezús

oferese, to'o gotas ikus nian.

Ita mós, nu'udar mestre tenda nian, *koko* tua ida ne'e hodi antisipa festa rohan laek. Tua ne'ebé hela no ita kontinua hemu to'o ohin loron.

- ⇒ Ita hatene katak ***la bele taka metin Evanjellu***, maibé presiza hasai no fó atu koko nu'udar Liafoun Di'ak ne'ebé sai jestu, haklaken, denuncia, promessa no resposta ba moris umana nia presiza kle'an liu? *Tua ne'ebé ita oferese ba foin-sa'e sira no ema sira nia sabor oinsá?*
- ⇒ Jezús nakfilak bee ba tua, Tua Foun ida. Transformasaun ida ne'e signifika saida iha ita-nia Moris Konsagrada, *atu sai, ohin, tua di'ak?* Ita tenke moris prosesu sira transformasaun no konversaun nian, tuir espiritualidade ezodu no dom nian. Tan ne'e presiza liu:
 - ◇ husi Moris Konsagrada ida nia prezensa ne'ebé la ko'alia ba povu, ba Moris Konsagrada ida ne'ebé empeña an iha paixaun ba Maromak no ba umanidade;
 - ◇ husi hatene resposta hotu klaru, ba moris iha kontemplasaun no raronak Mistériu Maromak nian, ne'ebé ko'alia iha inserteza no fragilidade umana;
 - ◇ husi comunidade sira ne'ebé taka an tanba ta'uk, paradu tan pandemia oinoin, ba ita-nia uma sira ne'ebé sai "proxima" iha ita-nia bairu sira, ho solidariedade ho ita-nia povu;
 - ◇ husi indiferénsia ne'ebé realidade la bele book, ba hakruuk hodi tulun ita-nia viziñu ne'ebé monu, foin-sa'e ne'ebé kanek, nu'udar ema ne'ebé tau matan ho ospitalidade ba moris ne'ebé simu amesa;
 - ◇ husi ita-nia instituisaun metin iha nostalgia no murmura, ba esperiénsia foun no kreativa sira ne'ebé akompaña ritmu istória nian no dehan iha ne'ebé Maromak horik iha realidade;
 - ◇ husi espiritualidade intimista, formál no dezenkarnada, ba espiritualidade mistika no profetika, ida ne'ebé "anawin" no ki'ik sira hatudu tanba sira presiza Maromak no maluk sira;
 - ◇ husi uniformidade no "*uluk kedas halo nune'e*", ba unidade iha harmonia ho forma oinoin, ne'ebé valoriza

partikularidade sira no asumi diferénsia sira iha komuñau.

3 – Sinodalidade nu'udar estilu animasaun no governu nian

• Korente lian no fraze sira – liafuan produtiva sira

Hodi remata ita-nia dalan, ita bele dehan katak S. João nia comunidade mak comunidade eskolante sira nian "*ne'ebé ko'alia no halo*". Ita hare korente partikulár ne'ebé João uza, kona-ba verbu ***dehan-logos*** (Nia dehan ona, nia dehan... beibeik). Verbu sira ne'e liga nafatin ba ***asaun konkreta sira***. Nia inan dehan ba Jezús...; Jezús dehan ba Ninia inan...; Ninia inan dehan ba atan sira: buat hotu ne'ebé Nia dehan, imi halo bá; Jezús dehan ba atan sira atu hakonu..., dehan ba sira atu hasai..., dehan ba sira atu foti...; mestre tenda dehan ba noivu...

Kazamentu iha Kaná mak drama ida iha ne'ebé ***ema hotu iha papel atu "dehan"***, atu foti sira-nia lia no mosu, rona lia hotu, hotu-hotu partisipa ho modu oinoin.

- ⇒ Susar liu ohin loron atu hala'o proposta Kreda nian iha estilu sinodál! Komunitade sira ne'ebé ***rona ema hotu, valoriza lia hotu***, iha ne'ebé la iha lia ida ne'ebé vale liu fali ida seluk! Dala barak ita toman katak ida de'it mak lia ne'ebé hananu no kompara ho nia, sira seluk hakiduk ka hela nonok; lia maka'as sira no ne'ebé hatene ko'alia didi'ak, maibé ne'ebé ladún kona realidade; lia mamuk sira ne'ebé la esprime ema nia profundidade, maibé esprime buat ne'ebé haree husi liur.
- ⇒ Ita simu bolun atu para no ***rona liuliu lia sira ne'ebé fragil liu no fraku liu***; sira ne'ebé la iha kbiit atu fó sira-nia hanoin, sira ne'ebé rende ona no sira ne'ebé hela nonok de'it. Ita simu dezafiu atu rona la'ós de'it konteúdu lia sira ne'e no liafuan sira ne'e nian, maibé mós forma no modu ne'ebé espresa, ne'ebé liu buat ne'ebé dehan.
- ⇒ Se ita halo opsaun, iha animasaun ita-nia comunidade sira nian, ba estilu sinodál, ne'ebé hala'o ona iha Mornese no